


MI KUZWA KA NAKO YANI

 Ki hande fa kukuta ni kuutwa muzwale, mulisana, ha fa bupaki bwa sishemo sa Mulimu, ni musizana wa hae yomunyinyani. Cwalo kuswana fela sina Mulena Jesu, kueza lika ze cwalo. Kaniti ku cwalo.

² Cwale, lu tabile hahulu, busihu boo, kuba ni luna, alimuñwi wa baenyi ba luna mo, sina mo lu li bizeza, sebelezo ya litapelo ka busihu bwa Silimo Sesinca, mulikana ka yomunde, Muzwale Ernie Fandler, alimuñwi wa baba sikuluhezi ku Mulena Jesu Kreste, ki mupuzo wa sishemo. Na kalezi mwa munzi wa habo Switzerland, kona kwa na zwelela. Mi Na lumela, muzwale ni yena kwani, yo bapila kwa Shawano cwale, ki mu German ka sipepo, ki Muzwale Waters. Lu tabile fa kuba ni bona hamoho ni luna busihu boo.

³ Mi luna ni, hape, ni luna busihu boo, mu—mu muzwale yomunde wa tumelo, South Africa, Muzwale David duPlessis. Lu tabile fa kuba ni yena mwahala luna, hape. Mi lu cwalo, David ni Na, lwa—lwa kulubela, lwa lapela, ku Mulena, kuli a lufe musebezi omutuna hamoho, mwaha otaha wo, kukena mwa Africa ni libaka zeshutana za lifasi. Muzwale David uteñi mo cwale kuli abulele litaba zateni, ni kulapelela fateni, mwahala cwale ni la Mubulo, ku nahana fela kuli nako ni sibaka, mwa—mwa Africa, ni libaka zeshutana za lifasi ku funduka. Sina, Muzwale David hana bile ni ofisi ye ipitezi kwa Mukopano wa Bapentekota wa Lifasi, mi hape wa zibahala hande ka baeteleli babatuna ba bulapeli mwahala lifasi kaufela. Mi ubile yana ni susuezo luli mwa kuhapeleza ni kueza katata, kuya fela ka mo luinezi cwale, ku tusa kutisa Mubili wa Jesu Kreste hamoho, wa likopano kaufela za tumelo. Hakuna taba ka zeo (bona) keleke i nani, kamba zeo (bona) zona ze bizwa. Ki cwalo, ki Keleke, Yeo Kreste na shwezi.

⁴ Mi Ni bile ni hupulanga ka zona hañata. Ne ni tusanga kulisa likomu, linako zeñata, kwa Wiko. Ne lu pahamanga, Muzwale David, ni kuina fani kone ba lisezanga likomu mwa mulaka, fahalimu mwa malundu, ku yo li lisa mwa . . . ku li fulilsa mwa mafulisezo, mwa . . . a mwa mushitu. Nako yeo, mafulisezo ha na sa fumanehanga kwa sishanjo, libala la mwa naheñi. Mi kipeto ba pumahanya mabala, ni kufuliseza likomu mwa—mwa ka nako ya maliha, hane kuna ni liñungwa le libata hahulu, mwani mwa malundu.

⁵ Mi ne luinanga fani fa sipula sa lipelesa ni kubona mulisana ha tisa likomu zani mwahali; mi mulaka ni mulaka, mwa sishanjo, o no kona kufeza libunda tuna la bucwani. Haiba ne ba kona kutisa bucwani bobulikana matani a fifite, seo ne si

ka talusa kuli ne ba ka tisa likomu ze fifite. Ha ne ba ka tisa mañata a likana wani sauzande a bucwani, likomu ze likana wani sauzande ne li ka bufeza. Mutu ni mutu, inza lwezi likomu za mufuta wa hae. Ba tokomela mifuta ya bona, eni sha, milaka yeshutana, kuli basike ba li kopanya. Mi cwale bona . . .

⁶ Mulisana, na sa izezi ngana hahulu kwa mifuta ze ne kena mwahali, kakuli nekuna ni mifuta kaufela ya likomu. Kono kuna ni nto iliñwi yana na ni kutatuba ka yona, yani neli mufuta wa mali. Ne lina ni ku ñoliswa ku ba Hereford, kamba ne lisike za kena mwa munyako. Ne ba likutisa. Mwabona?

⁷ Mi Ni nahana kuli kona mo ku kabela ni fa Katulo. Haina kuba mufuta wa lisila le lu tinile, kono ikana mufuta wa lisila la Mali ateñi. Yeo kona taba ye ka—yeka talimwa, ona mufuta wa Mali.

 Mi Ni tabile hahulu kuba ni Muzwale David ni luna.

⁸ Mi Ni boni Muzwale Estle Beeler ya naliteñi mo fa nako nyana yefitile. Ni muboni ha nanuha fani, kokuñwi. Ni baktuzi babañwi bo lubata kuteeleza, busihu boo. Mi, he, mi Ni sepa kuli Muzwale Ruddell ni babañwi baka taha, kakuli baka ina kufitela mwahala busihu.

⁹ Konohe, Muzwale David hakoni kuina kufitela mwahala busihu. Yena luli ki mutu ya batiwa ki batu, kai ni kai. Mi ona fani fela Muzwale Rogers hana utwile kuli nali kwanu, kiñi, uka luma ni kuba ni yena kwani ka teni. Kacwalo seo si talusa kuli ukabe afundikile cwanoñu nyana fa, kuli alibe kwa Louisville.

¹⁰ Mi Na hupula kuli ikaba hande, haiba kukaba hande ni Muzwale David, haiba—haiba lukaba ni yena kuli atahe abulele sesili mwa pilu ya hae, ku to lu kutaleza kwateni, kueza kaufela seo Mulena alukisize. Kaufela luna lu tabela kuutwa Muzwale David duPlessis, yazwa kwa South Africa.

¹¹ Mutuhele ni bulele cwana. Kuli, hane Ni li kwani, kwa Africa, mwa mukopano waka omutuna wa na lufile Mulena kwani, munyana hae wa muuna neli mutoloki waka, Muzwale Justus. Ni lumela kuli libizo la hae ki Muzwale Justus. Mi lubasi lolunde luli lwa batu, ki mizwale ba ha duPlessis. Ni sepa kuli kuna ni . . . Ni sepa kuli ki baktuzi kaufela, kuya ka mo Ni zibela, mi mwendi ni ndate, hape, neli mukutuzi niyena. Mi bazwa kwa lubasi lolunde lwa batu. Mi Muzwale David ulwezi libizo lelituna mwahala likeleke kaufela ni likopano mwahala lifasi.

¹² Mi Muzwale Davida, Ni tabela kuli utahe cwale u to ambola ku luna, kamba kaufela seo Mulimu a beile mwa pilu ya hao kuli ubulele. Aku tahe. Mi Ni tabile hahulu ku zibahalisa kwa keleke yaka, busihu boo. Yo ki Muzwale Orman Neville, mulisana wa luna. Ni kwa keleke, yo ki alimuñwi wa balikani baluna babande, ni—ni mulikani mwa ndwa ni sebelezo ya Mulimu,

Muzwale David duPlessis wa kwa South Africa. Mulimu aku fuyole, Muzwale David.

13 [Muzwale David duPlessis wa bulela. Hakuna manzwi fa tepu—Mu.] . . .ki mubuleli. Amen. Kaufela lu cwalo. Muzwale David, u kufe mi u be ni luna hape. Zeo ki zende luli. Lu tabile luli.

14 Muzwale David ubulezi lika zeñwi foo, Ni lakaza fela kambe Ni na ni siñoliso, Ne ni ka iñolela fela zona. Kono Ni ka na ni hupulanga kamita kuli “baikulu bashimani; baikulu.”

15 Kihande, luli lwa itumela ka poto ya muzwale wa luna. Mi yena ki . . .nali . . .yena u tamahani ni Muezezo wa Lifasi wa balumeli ba Pentekota, mi muuna yomutuna mwa buino wa musebezi wa hae mwahala lifasi kaufela. Mi lu tandaalezwi, busihu boo, kuba ni Muzwale David atahe ku to ambola ku luna ka lizazi Lelinca la Silimo busihu bo. Mi mwakona kubona baana babatuna ze ba nahana ka Mulena luna, kunahana za mutanga Hae yomutuna.

16 Cwale Na lumela cwalo, kamuso, kakuba Mwaha Omunca, ki lihola seli fela zelikani cwale. Mi Nina ni kufunduka ka kupakela nyana kakusasana, konakuli Ni hupuzi kuli Ni ambole fa nako yelikani fela, haiba ku lukile ku Muzwale Neville. [Muzwale Neville uli, “Eeni. Amen.”—Mu.] Muzwale Beeler, ni bakutazi babañwi kwanu. Haluna kunga nako yeñata. Mi Na sepa, hane luka bulela fela kuli “Amen,” ni kuya kwa mandu, ne ikaba liñusa lelinde. Mi lwa kona kuitumela ku Mulena ka se lunani mo, busihu boo.

17 Mi cwale, kono busihu bo kakuba busihu bwa Silimo Sesinca, lu ta ikatulusa fela ili luna, ku za Mubuso wa Mulimu, kukutaza, kufitela iba Silimo Sesinca. Mi Ni nani . . .kuzuha kakusasana, ka mapakela luli, mane lizazi li si ka pazula kale. Mi ha Ni sali mwanana sina David. Mwendu Ni . . .Mwendu ha Ni ikutwi kuba yomunyinyani ka mwa i kutwela. Yena ki . . .Kakuli, David ki—ki yomuhulu nyana ku Na. Ni sepa kuli una ni myaha ye sebene kamba eiti ya kupepwa, mwendi ki lishumi ku nifita. Kono yena kaniti ki liyekuyeku la mulilo wa Mulimu, u zamaile limaili ze fifite sauzande silimo se, kwa Mubuso wa Mulimu. Mwa musipili wa hae cwale ku yo kutaza ku Muzwale Rogers, mi kamuso u yo ba ni yomuñwi, kusili hape, ni kokuñwi hape, ni kokuñwi hape, ni kukuta kwanu hape la Mubulo. Mi Ni lukela ku yo mukatanyeza kuba ni litukiso za musipili wa lifasi kaufela otatama cwale.

18 Mi luna ni kuba mwa Africa, Ne ni utwisisa musihali wo, ka Liatamanyi, ona—ona kutaha kwa Liatamanyi kwa. Ni lukela kukopana ni Clayton Sondmore, yazwa kwa Baana Ba Evangeli Yetezi, sunda ye, kamba biki yetaha yee, kalulo yapili ya yona, ni kuezwa buitukiso kuliba kwa Haiti ya Jamaica. Ni ya sunda yetaha mwa Kentucky, kamba kwani kwa Georgia, ni na ni mikopano

yani kwani. Ni ka kuta kwanu ni kuliba kwa Kentucky, nibe ni busihu kwanu, ni busihu kwani, inge ni potela likeleke zee. Ni ku kutela hape kwa hae kuzwa kwani, ni kuya kwa—kwa—kwa Atlantic City, ka kukala ka la 27, ku yo punya la 30, ni kuzwa kwani kakusasana la 1, ni kukala mwa—mwa Kingston, Jamaica, kwani kwa-. . .nzila mwa kufita, busihu bwani, ka mazazi a lishumi a mukopano kwani. Mi kuzwa fani kuya kwapili, mi ni kwa ma Haiti, ni kai kaufela. Ha lu zibi ko luya haluzwa kwani, sina fela Mulena mwa ka lu etelelela.

¹⁹ Cwale, zeo kaufela lisweli za pangwiwa. Mwabona? Ha ni si ka bulela kuli eeni. David uteñi mo, Clayt wa taha. Gordon, Muzwale Gordon Lindsay wa taha, wa kwa South America. Mi—mi ni babañwi, Baana ba Pisinisi ya Sikreste kwa America baba bulela si Latin. Mi Muzwale David ki wa kwa Switzerland, Germany, kushetumuka cwalo. Kono ha lu zibi ni cwale. Mu tundamene kulapela. Ha ni lati kuya kwa sibaka konji Mulimu ha bulela kuli zamaya, ni kuya ka zibo yaka. Kabakaleo, haiba Ni ikutwa kuetelelwa kuya, konakuli ha Ni ka tuluka mwa fulai, Ni. . .Mi hakuna taba kamba ze lwanisa likaba cwañi, Na kona kubulela kuli, “Ni taha ka Libizo la Mulena Jesu.”

²⁰ Ne ni itumela ka David, bulikani bo lu nani hamoho, kakuli mutu ki muuna ya butokwa hahulu, kono yena—yena—yena kaniti u lumela bulumiwa bwa Mulena bo. Kaniti wa lumela. Mi—mi mabizo a luna a tamahani hamoho mwa lifasi kaufela cwale, Muzwale David ni Na.

²¹ Mi Ni tabile hahulu kuba ni kutwano ni muuna ya cwalo. Kono, balikani, Na itumela ka seo. Kono taba yetuna hahulu ye Ni kona ku nahana kuba ni yona ki Jesu Krete, yena Mwana Mulimu, yena Yomutuna yani.

²² Cwale, Muzwale Neville ni babañwi ba bona baka bulela mwa mizuzu yelikani, kono Ni bata kubala fela nto nyana kuzwa mwa Mañolo cwale.

²³ Mi ki hande, Na sepa, ka busihu bwa Silimo Sesinca, kubona bakutazi ba ba shutana, ni mo ba talimanela ni tuto, ni se ba bulela, ni zeñwi cwalo. Mi mutu kaufela una ni nzila ya hae ya kukutaza ka yona. Mwa ziba, Mulimu a si ka lu bupa kuli luswane kaufela. U lu ezize ka kushutana. U lu ezize ka shutano mwa sibupiwa sa luna. Na bupile lifasi ka kushutana, ni malundu amatuna, malundu amanyinyani, mabala, mahalaupa, lipalisa zetuna ze sweu, lipalisa za mubala wa bu ndilu, ni mifuta yeshutana kaufela. U lu eza fela ka kushutana. Ku felile. U eza toho ya milili yefubelu, ni milili ye mi nsu, toho ya milili yesweu; bukima, busisani, butelele, oh, kaufela seo sili sona. Mwabona? Yena fela—Yena u lu shutanisanga fela. Mulimu ki Mulimu wa lika zeñata. Mi Na tabela cwalo. Mina bo? [Kopano ili, “Amen.”—Mu.] Kono ki nto yeswana fela ka nako kaufela? Mawi! Mawi! Na lata cwalo.

24 Kacwalo ha lu apuleñi cwale mwa Mañolo a luna, mwa Buka ya Muñoli Mateu, Evangeli ya Muñoli Mateu, kukala ka . . . Mi timana ya 4, Ni bata kubala ka za . . . alu balele tuto, Mulena alu tuse. Muñoli Mateu, kauhanyo yabu 4.

Na lumela, lu si ka bala kale, halu lapelēñi.

25 Ndate ya Musa yakwa Lihalimu, hape ka lipilu ze itumezi kuli lu atumele mwaha omunca woo. Mi lwa Ku atumela ni kutisa ku Wena lipilaelo za luna kaufela za kale, ni kukupa kuli Uli nepele mwa liwate la kulibala, mi usike wa lu hupulela libi zaluna ni kamuta. Mi lusike lwa tatuba fela ka butu bwa luna bwa moya, kono mwa . . . halu tatubeñi kutwano ya luna ku Wena. Mi ulu swalele kwa libi za luna kaufela. Mi lu kupa kuli Moya wa Hao utalimane ni luna busihu boo. Mi haiba kuna ni sika kaufela se si masila ka luna, Mulena, aku si ise kwahule sina mo kuinezi upa ni wiko. Ku linepela mwa liwate la kulibala, kuli lisike za lufa kupuzo ye lutibela ni hanyinyani, kuli lukone kukena mwa mwaha omunca woo, ka kukena, lu tapisizwe ka Mali a Ngunyana, mi lube baba itukisize.

26 Mi cwale yona 1960 ye ibe mwaha omunde ni kufita ku yelukile lwa Ku sebeleza fateni. Lufe ka bañata, ni ka kuelekeza. Mikopano ye kaufela yeli mwa zwelopili, Mulena, ye lu nahana ka Muzwale duPlessis, ni kupotoloha lifasi, kukena mwa Asia, ni kuyo punya kwa Europe, ni—ni mwa libaka zeli mwa matuko kaufela. Mulena, haibe tato ya Hao ni Mata a Hao aka etelela kwa lika ze. Mi haiba ka nako ifi kaufela lufumaneha kuli luzwile mwa nzila ya Hao ye lukisizwe, mi Moya o Kenile utiba mwa nzila ni ku lu tuhelisa, Mulena, ni ku lu kutiseza mwa sibaka se si lukile. Lumeleza cwalo.

27 Fuyola keleke nyana ye, Mulena. Mwendu, bukaufi ni myaha ye mashumi amalalu, Na sepa, ibile i yemi fa cwale, ka kuba kupuzo ya sishemo sa Mulimu, kwa sicaba se si ishuwile. Lwa lapela, Ndate, kuli U fuyole Muzwale Neville, yena mulisana. Fuyola keleke kaufela. Fuyola basepahali, madikoni, mueteleli wa lipina, mulizi wa piano, ni keleke kaufela, mañi ni mañi, baluti ba sikolo sa la Sunda, bao kaufela. Mulena, lu kone kuhula mwaha wo mwa sishemo sa Mulimu. Mi cwale sicaba sa luna ha si hule ni mwa buñata ka lipalo, mi—mi ni sishemo sa Hao sesituna, kuli, kufita mo kubezi mwa myaha ye felile. Lumeleza cwalo, Ndate.

28 Cwale lu tuse halunze lu atumela palo ye ili yeo lu libelela kubala, Linzwi la Hao. Mi ki Wena fela, Mulena, yakona kutoloka mi lu lapela kuli U lu alabe ka kulufa zona, bakeñisa Mubuso wa Mulimu. Ka Libizo la Jesu Krete. Amen.

29 Na zibisa cwale ze Ni ketile kuba tuto mwa mizuzu yelikan yetatama. I fumaneha mwa Mañolo mo, mi Ni ka ibala. I bizwa kuli, Ni bata ku ibiza cwana kuli, “kuzwa ka nako yani.”

30 Ha ni sepi kuli, Ne ni bulezi busihu bobuñwi, Ne ni sa sepi kuli Ne ni ka taha kwanu, kakuli mumizo waka nosweli ku omelela. Mi musala ka ali kuna maabani, kamba maloba, ki hali, “Konakuli Ni sepa kuli hamuna kuya kwa keleke.”

31 Mi se Nili, “Mulatiwa, ha Ni sepi cwalo. Mumizo wa ka u zielehile hahulu ni ku oma.”

32 Mi cwale, ne ku si ka fita nako yetelele, busihu bwani, ha Ni ina fafasi ni kunga Mañolo, Na fita ku Ye.

33 Muzwale Sothmann ataha. Mi ali, “Kana uka ya kwa keleke kamuso busihu?”

Se nili, “Eehe. Ni kaba teni.”

34 Mi Meda a ni talima, mi ki hali, “Ha ni ku utwisisi.”

Se nili, “Ha ni kulubeli kuli u ka ni utwisisa, mwabona,” Se nili, “kamba kutokwa neba alimuñwi.”

35 Hakuna ya etelelwa ka Moya wa Mulimu yakona ku utwisisiwa.

36 Mulena luna, ne ba sa Mu utwisisi. Na bonahala inge Na bulela ka nzila yeñwi, muzuzu ulimuñwi; ni ka nzila isili, muzuzu omuñwi. Mi kusili fela Na sweli kuambola taba isili fela. Fokuñwi neli Jesu ya na bulela, linako zeñwi neli Mulimu ya na bulela. Mwa bona? Neba balutiwa ne ba bulezi kwani, kwa mafelelezo, bali, “Bona, cwale U bulela patalaza. Cwale lwa utwisisa.” Mwabona?

37 Mi Jesu ali, “Kana cwale mwa- . . . Mi cwale mwa lumela?” Mwabona, kuzwa fani.

38 Haukoni fela kueza cwalo, kakuli u zamaiswa ka Moya. Mi ukala kueza nto yeñwi, uka fumana kuli, mwa bona, una ni . . . Mulimu ubata kuitusisa wena kokuñwi. U lukela kuyemela *fa* ni kuya *fa*, ku zamaiswa fela ka Moya. Ki batu baba ipitezi, batu baba ipitezi baba na ni bupilo bo mubata ku neela ku Mulimu.

39 Mi cwale Ni bulelanga kamita kuli, “Ni ka eza se haiba Mulena wa lata.” Mwabona? Haiba Ni fa sepiso ku mutu kaufela, “Ni ka i eza haiba Mulena wa lata.” Mwabona? Mi kabakaleo, he, haiba ha ki tato ya Mulena, Ni ka ba . . . Ni ka bulela fa Liñusa le haiba Mulena a lata. Wa kona ku ni fa pizo, ona mwa Liñusa lee, la kunga California. Ne ni ka beya kwatuko lika kaufela ni kufunduka kuliba California, mo ne Ni konela kaufela.

40 Mi Ni bata kupila ona cwalo. Ha ni lati sika se si ni tibela. Ha ni lati sika sesiñwi sesituna fela kamba nto yeñwi, mo kuna ni ma dollar alikana ma milioni, mi una ni kuba ni masheleñi amañata hahulu, zazi ni zazi, kuli uni tamelele fafasi. Ni bata kuba, kwa kuli, Mulimu ha bulela kuli, “Ni bata kuli uye kwa sicaba se. Kuna ni fela baba ketalizoho ba bona. Kono zamaya kwani, mi uine ona kwani kufitela Ni ku bulelela nako ya kuzwa

kwateni.” Ona kafo kona ki ni ka bata kuya. Hanina mukwa omuñwi, fela . . . neba Ha bata kuli ni ye kwabuse bwa mawate.

⁴¹ Cwale ki se fa, si bulezwi fela, kuya kwa Germany, kamba kwa—kwa Africa. Mi musali yomuñwi wa ma milioni, ka nako fela yeo Moya ha u ni bulelela kuli ni ye kwa Africa, a bulelela kuli, “Ni ka tusa musipili ni kulifa siemba sa zona kaufela.” Mwabona? Ku felile. Kiñi ha Ni lukela kubilaela ka masheleñi ni lika zeñwi, kanti Ndate uluwile kaufela zona? Mwabona? Wakona fela kubulela ku muuna ya fumile yoo, kamba muuna ya fumile yani, kamba sicaba se, kamba sicaba sani, mi hakuna tuso kuli na ni bulaele ka zona. Mwabona? Mulimu u li tokomelanga fela kaufela.

⁴² Muzwale Roy, yani kona nzila ya kupila ka yona. U Mu tuhele fela kuli atokomele zani. Ki zende hahulu.

⁴³ Cwale ha lu apuleñi mwa Mañolo a luna, mwa kauhanyo ya 4. Mi ha lu kaleleni fa—fa lubale, mwendi fa timana ya 12 ya kauhanyo ya 4 mwa Evangeli yeñozwi ki Muñoli Mateu.

Cwale Jesu ha na bile . . . Mi cwale Jesu ha utwile kuli Joani u kenyizwe mwa tolongo, akutela kwa Galilea;

. . . atuta kwa Nazareta, a yo yaha kwa Kapernauma, munzi o fa likamba la liwate, mwa naha ya Zabuloni kwa Nefetali:

Kuli ku ezahale sene si bulezwi ki mupolofita Isaya, hali,

Naha ya Zabuloni, ni naha ya Nefetali, ye bapani ni liwate, mwa buse bwa Jordani, Galilea ya Bamacaba;

Sicaba se ne si inzi mwa lififi si boni liseli lelituna; mi babane ba inzi mwa naha ya lifu ni mwa muluti wa lona ba pazulezwi ki liseli.

Kuzwa ka nako yani Jesu akala ku luta batu ali, Mubake: kakuli mubuso wa kwa lihalimu u fakaufi.

⁴⁴ Ni bata kuambola fa tuto yeli: *Mi Kuzwa Ka Nako Yani*. Mwa ziba, kakuba mutu, kaufela luna lu nahana lika ze zwelela kwa nako yeñwi. Sika sa kuli-ni-kuli ne si ezahalile, mi kuzwa ka nako yani. Mi cwale, linako zeñata, mu ka katana muuna muhulu kamba musali muhulu, mi uka tabela ku swanisisa kwa nako yeñwi sika sa kuli ha si kile sa ezahalile, kuli bakona ku toloka hande ka swanelo ni kubulela kuli, “Neli ka nako yani.”

⁴⁵ Cwale, Ni sepa kuli kuna ni buñata bwa luna mo, busihu cwana, baba kona kuhupula hande, mwa kupuzo yetezi ya lika zeñwi ze kile zanga sibaka fa nako yeñwi. Kuzwa ka nako yani, sesiñwi sa cinca. Sika sa *kuli-ni-kuli*, ne si ezahalile ka nako yani. Mi kuzwa ka nako yani kuya kwapili, ne ku shutana. Mi ki nto yende kuli lwa kona. Mi zeñwi za likupuzo zani, za lika ze lu nahana, ki lika ze swanela ze cincize. Mi kuna ni lika zeñwi ze sa lukeli kuhupulwanga mane.

46 Ka mutala, haiba nji musali ki wa libubo le li maswe, kuli ha na ka li, “Ku na ni nako fo ne Ni banga yomunde, yalukile, musizana wa mikwa yeminde. Mi ka busihu bobuñwi, kamba sibaka sesiñwi, taba yeñwi ya ezahala.” Mi kuzwa ka nako yani, ubile mwa nzila ye fosahalile. Bupilo bwa hae bu tasselizwe ka sibi, ni bunsu ni lififi, mi ki katulo fela ye mu libelezi. Kono wakona kuhupula, kuzwa ka nako yani, kwa ezahala ha na ngile nzila isili.

47 Muuna ya—ya kozwi, busihu boo, fa mikwakwa, yana lika kuinwela maswabi a hae. Mwakona ku mu nopa. Sina hane Ni li kwa litema kwanu, nako yeñwi yefitile, mwa New York, sibaka sesituna sa batu ba ma cakolwa. Ne ni zamaya ni mukutazi yomuñwi. Mi ne kuna ni muuna ya na lobezi, oh, neli feela baana babañata, baba sa sabisi, baba sina mata, balobezi fani mane liapalo zabona fapata zali ku koloba kaufela, mi—mi milelu yabona yali kuli fwakaa kwa lifateho zabona kaufela, mi neli fela mwa buino bo bu maswe. Mi nebali fela basina mata a kuitamulela.

48 Mi mukutazi yo ali, “Nopa yani fani, mi u mu buze fela.”

49 Mi Na ya ku muuna yo yana lobezi ni liutu leliñwi fa sipi ya mota, mi toho ya hae yali kusama mwa mukwakwa, mi mane na palelwa kuya ka—ka—ka linako zeñwi, kuya kwa mutabani. Oh, nali fela mwa buino bo bu sabisa. Mi Na mu swala, mi se Nili, “Kana wa kona kubulela?” Mi na si ka ni fa kalabo ni yekana.

50 Kacwalo mukutazi a inamana. Na ziba hande za kueza ni yena. Mi a mu buza ali, “Ki wena mañi?”

51 Mi mafelelezo akwanisa ku mu zusa, kufitela a bulela kuli, “Ni lekele fela kacwala muuna!” Mi na to fumana kuli, na supa munwana wa hae fa panga kwa na belekanga sina mueteleli wa yona.

52 “Kihande,” ki hali, “lu bakutazi. Kana wa kona ku ni bulelela sene si ezahalile?”

“Haiba uka ni sepisa kunwa kacwala!”

53 Kihande, halukoni kueza cwalo. Se nili, “Hani koni kuekeza maswabi fa maswabi a hao. Ni bata ku kutusa.”

54 Likande la hae kaufela. Na tile kwa ndu, busihu bobuñwi, mi ne kuna ni, sa na biza kuli, ki “Mulatiwa John” liñolo fa—fa tafule. Mi, musala hae na mu siile. Mi nana ni . . . Na mu lata. Mi na ile ni bana ba hae. Mi na lelekilwe, ki ha na mata ni muuna usili. Mi ki hali, “Ne ni sa zibi sa kueza, ku kunupa booko bwaka, kamba sesiñwi sa kueza. Kacwalo Na—Na ya kwa mukotokoto wa macwala.” Mi kuzwa ka nako yani, ki yani nali fani. Se li mwa lifasi kaufela.

55 Lihata. Mwakona kunga alimuñwi, sina hane Ni bulezi ku muuna, zazi leliñwi, ye Ne ni nahana kuli na bulela litaba za lisheha. Mi lwa to fumana kuli na bulezi buhata bobuñata

hahulu kufitela alumela litaba zateni yena, kasibili. Mi se Nili, “Ki sikamañi se si kuezisa cwalo?” Mi Na ina fafasi kuli ni ambole ni yena. Se nili, “Ni bata ku kubuza. Makande ani aipitezi hahulu kuli batu ba lumele.”

⁵⁶ Ki hali, “Yapili ye Ni sa koni kuhupula kubulela,” ki hali, “Ne nili mushimani yomunyinyani yana hulezi mwa lapa lelinde.” Mi ki hali, “Ne niile kwande ku yo zuba ka kwai nyana ka siliki, kuli ni be fela ya zwezi pili. Mi Na kumumuna kofi yeñwi, kuli ni time munko ya kwai.” Mi ki hali, “Ni ni zubezi kwa mulaho wa mupaipi wa musu, kwa mulaho wa ndu.” Mi ki hali, “Hanina kulibala, boma ha ba ni kwacisa, mi ba ni bulelela kuli, ‘Mwana ka, h lubone ni utwe munko o sweli kununka woo mwahanu wo.’ Mi se Ni ba buyelela mwa pata, mi se bali, ‘U mumunile coffee kuli utime munko wa nto yeñwi. Ki sikamañi so no sweli kueza mueza? Kikuli no sweli kuzuba kwai?’”

⁵⁷ Mi ki hali, “Sesiñwi sa ni bulelela kuli ni ba bulelele niti.” Ki hali, “Kono se Nili, ‘Batili, ima. Na konka fa pilu. Ha ni si ka zuba kwai.’” Ki hali, “Mi kuzwa ka nako yani, sani sa kalisa.”

⁵⁸ Kaufela lwa kona kufumana sika se—se ne si kalile ka nako yeñwi. Mi kuzwa fani kuya kwapili, lika za cinca. Mi kuna ni lika zeñwi ze swanela ze lukona kunahana. Baana ba milelo yeminde ba likile kukalisa sinca, ka kueza lika ka nako yeñwi.

⁵⁹ Ka mutala, malaiti ha na fumanwi pili ki Benjamin Franklin, mi ne ba konile ku a swala. Ba kala kubulela kuli, “Kuzwa ka nako ye kuya kwapili, ha ku sana kuba lindwa ni hanyinyani. Kakuli, kuti, malaiti a ne ba ka abeya mwa makwakwa, ana ni mata amatuna luli cwalo, kuli mane kutokwe neba mutu yakona ku a sila.” Ne ba talusa lika zende.

⁶⁰ Mi kasamulaho fela wa Ndwa ya Pili ya Lifasi, fani—fani Kaiser Wilhelm ha nyatela tumelelano ya kozo. Ne lu bulelezwi mo mwa America. Ne nili fela mushimani wa lilimo ze naini za kupepwa ka nako yani. Kono Na hupula sicaba ha si bulelela kaufela kuli, “Halusana ku ba ni ndwa yeñwi. Kuzwa ka nako ye kuya kwapili, ku felile, kuyakuile.” Kono se luba ni ndwa yeñwi.

⁶¹ Mi cwale U.N. Yetuna yani kamba, Ni bulelele kuli, kusikaba kale zeo, ba eza katengo ke ne ka bizwa kuli League of Nation. Mi se bali, “Cwale ha lu sana kuba ni lindwa ni hanyinyani, kakuli luna ni kutwano ya linaha yona League of Nations ye ka tikitiba lifasi. Mi haiba kuba ni musunga kokuñwi, baana ba mwahala naha kaufela ba ka ya kwani ku yo babalela lifasi.” Kono neli palile. Ne ba zwezipili fela kuba ni lindwa. Mi ba U.N. ba ka ba nto yeswana.

⁶² Lu bulelelwa cwale ka kunuha kuli kamuso busihu kamba la Sunda busihu. . . Yena muuna yaswana ya na bulezi za Pearl Harbor, kwa nako yeswanela luli yeo—yeo lifulai ne li ka i bulumuna ka lindalamiti, abulelela, kuli, “La Sunda busihu ka twelufu kiloko, ali sebente-faifi pesenti ya ma America ba

ka ba fela mufuse, kuli Russia ika bulaya United States, ona busihu bwa la Sunda yetaha ye ka twelufu kiloko.” Yena muuna yaswana ya na bulezi ka za Pearl Harbor. Ha ba libeyi fa lipapazo, kakuli sicaba si ka filika. Ha ni li lumeli. Mwabona? Batili. Kakuli, halikoni kuyemela ndwa ya atomic. Iliñwi ya zona haifita mwa mulumo wa yeñwi, neku *le*, lu ka li nepela ka nzila *yani*, mi lifasi ne li ka kena mwa liemba-embamba. Sesiñwi sina ni kuezahala, niteñi, Jesu asika taha kale. Yeo ki niti.

⁶³ Ka mutala, ba banyalani mwa bunca. Neku na ni nako yeñwi ye ba kile ba nyalana. Mi ba—ba kopanya buitamo bwa bona hamoho. Mi ni ku itama ka maci, yomuñwi ku yomuñwi, liswanelo zabona. Mi ba bulela, kuli, “Lu ka latana, ku kutekana ni kulatana, halunze lu pila.” Kono kwa taha nako yakuli sesiñwi sa ezahalile.

⁶⁴ Lika ze kaufela, kuna—kuna ni nako fo sesiñwi ha si ezahalanga. Mi mwendi ni buitamo bwa bona kaufela, ni tutengo twa linaha kaufela, ni zeñwi cwalo, mwendi ne bana ni milelo yeminde, kono kaufela zona za fita kwa mafelelezo. Kaufela za fetuha buungululwa, mwatasi a—a—a mautu a mutu. Ka milelo yeminde kaufela ye lu kona kuba ni yona, kono kaufela li lukela kutaha kwa mafelelezo.

⁶⁵ Kono kuna ni nako yeo mutu akona kutaha ku sesiñwi sa Kuyakuile. Fani kona fo, mutu, nako ya kopana ni Mulimu. Fani kona fo kuezahalela sesiñwi sa Kuyakuile.

⁶⁶ Lubanga ni mafosisa a luna. Mi lu ezanga buitamo bwa luna ka busihu bwa Silimo Sesinca, kutuha fo lwa li fulalela habusa. Lu apula makepe a manca, mi luba ni buitamo. Mi lu ya kwa baprisita ni . . . Halu ezi cwalo, kono Makatolika ba eza cwalo. Ni kuipulela, ni kufa bupaki, mi lutaha kwa katala ku to apula makepe amanca, kono kaufela ki mbango. Kakuli, nako yetatama mutu yomuñwi ha ka fita mwa nzila ya luna kamba nto yeñwi, kacimacima kateni ka ka fufa hape. Nako kaufela ha lu kena mwa butata kamba nto yeñwi, si ka ezahala hape.

⁶⁷ Kono kuna ni sibaka ko mutu akona kutaha, fa nako, ye ka mu cinca kamita, ka nako ya Kuyakuile. “Ya ka taha ku Na, Hanina ku mu leleka,” kwa bulela Jesu. Mutu wakona kutaha ku Mulimu, mi bukamusu bwa hae bwa Kuyakuile kaufela bwa cinciwa. Mi mutu hakona kopana ni Mulimu, kipeto ha sa na kuba ya swana ni kamuta. Ha ukoni ku kopana ni Mulimu ni kusiyala uli mutu yaswana sina mo ne uinezi. Haiba u keluha ku Yena, ukaba mutu ya maswe hahulu kufita mono belanga sapili. Haiba u Mu amuhela, una ni Bupilo Bobusafeli, mi Uka ku zusa ka lizazi la mafelelezo, kuya ka sepišo ya Hae.

⁶⁸ Neku na ni nako hane kuna ni muuna ya bizwa Abrahama, ya na zwile kwa Makaladeya, mi a yo pila mwa munzi wa Uri. Mi nali fela mutu, muuna yomunde. Mwendi, hakulata nali. . . Ndatahe mwendi na lapela milimu, kakuli ne ba zwelela kwa

Babilona. Mi nali fela mutu wa fela fela, mi na ya a supala. Nana ni myaha ye sebente-faifi, mi musala hae neli sikisite-faifi.

⁶⁹ Mi Abrahama, zazi leliñwi, hanali fande mwendi neli mwa simu, inza zuma kamba kaufela sa na eza, inza kayula litolwana, kamba neli musebezi mañi kaufela wa na eza, a katana ni Mulimu. Mi kuzwa ka nako yani, a cinciwa. A biza lika ze ne siyo, inge kuli liteñi, kakuli na kopani ni Mulimu. Na zibile muzuzu ni hola ya na kopani ni Mulimu. Za mu cinca. Mi Mulimu amu biza kuli ki ndatahe macaba amañata. Mi alumela ku Mulimu ni kulumela sepiso ya Hae, kakuli na kopani ni Mulimu. Lilimo ze mashumi amabeli ka ze ketalizoho kasamulaho, ne ba sweli kuambola, kulika ku mu filikanya, ku mu bulelela kuli na lumela nto ye fosahalile. Kono Bibeles iize, “Na nza tiya ka nako kaufela, inza fa tumbo ku Mulimu.” Kakuli, na ziba kuli Mulimu nana ni kubuluka sepiso.

⁷⁰ Fani kona fo mutu akopana ni Mulimu. Li cinca sibupeho sa hae. Li mu fa ngana ye ipitezi. Sina hane Ni bulela busihu bobuñwi, mutu wa nama fela una ni maikuto a ketalizoho kihona. Kono, mulumeli, ha kopana ni Mulimu, uba ni nto yeñwi ye shutana. Ki ngana ye ipitezi ye mu nanulela fahalimwa miluti. I mueza kuli alumela lika ze sa konahali kuezahala. U sa lumela kuli loi ka to ezahala, kakuli Mulimu na bulezi cwalo. Mi mutu ha kopana ni Mulimu, sesiñwi sanga sibaka.

⁷¹ Neku na ni nako fo mutu hana lutilwe mwa butali kaufela, lituto kaufela za Linzwi la Mulimu. Na Li zibile ka litaku za lona. Na li ya itutile. Nana ni madigiri kaufela. Nali ya butali hahulu kufitela mane a luta baituti ba Egepita ni baluti ba bona. Na zibile cwalo, ka liñolo. Kono lipyeha mwateni, ya na saba, aya kwande a lihalaupa mi nasweli kulisa lingu. Kono kwa taha nako yakuli Mulimu ha mu katana kwani, mwa sicacani se si tuka. Mi kuzwa ka nako yani kuya kwapili, Mushe a cinciwa, kakuli na kopani ni Mulimu mwa sicacani se si tuka mulilo. Mi pata ni pata ni Mulimu, na si kaba ya swana ni hanyinyani.

⁷² Mi muuna kamba musali. . . Hanina taba kamba ki buitamo bo bukai bo kaeza, kamba ki makepe amañata cwani o ka apula. Kufitela u kopana ni Mulimu, ha ukoni ku cinciwa. Kono ha u katana Mulimu nako iliñwi, konakuli u cincizwe kuyakuile.

⁷³ Ne li si ka cinca fela Mushe. Ne li cincize Isilaele. Ne li cincize Egepita. Za cinca lifasi ka nako yani, kakuli mutu alimuñwi na kopani ni Mulimu ni ku Mu nga ka Linzwi la Hae.

⁷⁴ Se lutokwa kacenu ki mutu ya ka kopana ni Mulimu, pata ni pata, ni ku ambola ku Yena, buino bwateni. Batu ha ba kopana ni Mulimu, lika za cinca. Kiniti. Yeo kona nzila fela inosi yelukona kuba ni lika ka yona.

⁷⁵ Mi kuzwa ka nako yani kuya kwapili, Mushe wa lipyeha, Mushe yana sweli kumata lubilo, a cinciwa. Mi kuzwa ka nako

yani, a toba mutang'a Mulena. Kamita li beleka ona cwalo. Mi mutu ha kopana ni Mulimu, lika za cinca.

⁷⁶ Nekuna ni musizana yomunyinyani nako yeñwi, na si ka fitelela lilimo ze lishumi ka ze ketalizoho ni zetalu za kupepwa, kamba mwendi isiñi kuhula cwalo, yanali mwa musipili wa hae kuya kwa lisima kakusasana omuñwi, kuli ake buleke bwa mezi, kwani kwa Nazareta. Nali musizana yomunde yomunyinyani. Na lumela. Nana ni tumelo. Kono, kakusasana wani, akopana ni Mulimu. Mi Mulimu a mu bulelela nto yeñwi, mi a i lumela. Mi ya cinca buino kaufela bwa bupilo ku musali, ni ku mu fetula kuba ya sa shwi. Libizo la hae neli Maria, mahe Mulena luna Jesu. Kalibe yomunyinyani neli fela musizana yomunyinyani, kono na kopani ni Mulimu. Mi kuzwa ka nako yani kuya kwapili, sesiñwi sa ezahala. Kiniti.

⁷⁷ Nekuna ni muuna wa libizo la Pitrosi, neli muyambi ya pazauhile, mwendi neli fela ya maña a buhali a atami hana taha cwalo. Mi nali muuna wa sinata ya zindile. Kakuli, kwanu nako yeñwi yefitile, Ne ni boni papali, ye bizwa, “Muyambi Yomutuna.” Ne ni hupula kuli neli mubonahalelo omunde wa Pitrosi, kakuli na li mutu yomutuna luli ya pazauhile. Na si ka tokomela sika kaufela. Na si ka lumela sika kaufela. Kono, zazi leliñwi, a kopana ni Mulimu. Mi kuzwa ka nako yani, a cinciwa. Kuzwa ka nako yani, aba muapositola wa Mulena Jesu Kreste.

⁷⁸ Sina Muzwale David duPlessis ha na lu bulelela fa nako nyana yefitile, ka za Saule wa kwa Taresusi, sibulai, ya na sweli koti ya libulai, kuli, mane na pakile, ni kubulela hande za bupaki bwa lifu la Setefani mubulaiwa. Nana ni mañolo mwa lipokoto za hae, kuli aye kwa—kwa toho ya bazamaisi ba likeleke, ni ku yo tama batu bene bataza hahulu lilata, kuhuwa, ni kulumba Mulimu. Nali mutu yomutuna mwa meto a Bafarisi. Na li Mufarisi wa Bafarisi. Kono, zazi leliñwi, nali mwa musipili wa hae kuya kwa Damaseka, mi akopana ni Mulimu. Liseli la mu monyeha. Mi kuzwa ka nako yani kuya kwapili, ha si ka ba Saule wa kwa Taresusi ni kamuta. Kono aba Paulusi, ya ishuwile, ya muna, kakuli na kopani ni Mulimu, mi La mu cinca.

⁷⁹ Nekuna ni wa mbingwa fa munyako. Lituso kaufela za mulyani ne li si ka mu folisa. Litombo za hae zetezi bulalu ne se libile zetuna hahulu kufitela mazoho a hae apalelwa kunanulwa mwahalimu, mane. Mi mautu a hae, na sa koni ku a hoholola mane. Taba ya hae ne i sina sepo. Kono a kopana ni Mulimu, zazi leliñwi, inza zwa fa munyako. Mi a wa fafasi ni kulapela, mi ali, “Haiba Uka ulata, Wakona ku ni kenisa.”

⁸⁰ Mi ki Hali, “Na lata. Ba ya kenile.” Mi kuzwa ka nako yani, ha si kaba ni mbingwa ni yeñwi, kakuli na kopanio ni Mulimu.

⁸¹ Neku na ni muuna wa sibofu yana inzi kwa matuko a mukwakwa. Mi na sa boni liseli kwa lififi. Nekusina sene si ka mu tusa. Zazi leliñwi, Yomuñwi ataha inza zamaya kuzwa mwa

munzi wa Jeriko, mi ha yo katana Mulimu; mi kuzwa ka nako yani, a bona. Meto a hae a mu kutela. Kubona kwa liseli kwa kena mwa meto a hae, mi akona kubona hape. Kakuli, kuzwa ka nako yani, fani ha na kopani ni Jesu, aba mutu ya shutani. Nana ni meeto a hae.

Mi mutu ha kopana ni Mulimu, sesiñwi sina ni ku ezahala kupale kumane.

⁸² Neku na ni mucaha yomunyinyani, nako yeñwi; hakuna ku kakanya, muña naha, kono mioya ya taha ku yena. Mi nali ya maswe hahulu kuli mane ndu ya tolongo ne isika mu swala. Mi ba mu tama ka mawenge. Mi nana ni mpi ya madimona, ku yena, kuli mane a lobaka mawenge ni ku lukuluha. Mi mioya ya muisa mwa mabita, mwa na i lo pila mwani. Mi anga masitina mi, ni kuba wa pilu seta maswe, na nza isehaka. Oh, na li mutu ya sabisa. Mioya yani ha i mu siya, hakuna kukakanya, ato nahana kuli, “Ki sikamañi se Ni eza kwanu?” Mi ka yona nako yani, mioya ne i taha ku yena hape, ni ku mu pumaka ni ku mu pazaula. Kono, zazi leliñwi, a katana Jesu. Mi kuzwa ka nako yani kuya kwapili, sipulumuki sa kwa Gadara sa ba hande mwa booko, sa apala, aina kwa mahutu a Hae. A kutela kwa hae, ali mucaha yomunde. Akutela kwa buiketo bwa hae. Na kutezi kwa balatiwa ba hae, mi na bulela kuli, “Kuzwa ka nako yani, Ni cincizwe.” Eeni.

⁸³ Neli zazi leliñwi, kwani fa Kalvari, fani Mulimu ni lifu hane li kopani, pata ni pata, fani Bupilo ni lifu ha litaha hamoho. Kono fani kona fo Bupilo, Kreste, a comola buhazo bwa lifu. Mi kuzwa ka nako yani, lifu ha li si ka ba fateni ni buhazo kulona. Ni tabile hahulu ka seo. Mulimu! Lifu ni Mulimu ba kopana hamoho. Lifu ha li sikaba ka kuswana. Halina buhazo cwale. Mulumeli wa Mukreste wakona kulibana pata ni pata ni kubulela kuli, “O lifu, bukai buhazo bwa hao? Libita, ikai tulo ya hao?” Kiñi? Sibeli sa bona ne ba kopani ni Mulimu. Ha ba si ka swana kuzwelela ona fani.

⁸⁴ Hakuna mutu yakona kuba ya swana, hakuna se si kona kuba se si swana, ha si kopana ni Mulimu. Ha una kuba ya swana.

⁸⁵ Na hupula hane ni lobezi fa mumbeta wa sipatela kwanu. Baalafi ne ba ni file mizuzu yemilalu ya kupila. Pilu yaka ya nata, linako ze lishumi ka zesupa fa muzuzu. Na katana Mulimu. Kuzwelela ona fani, Ha ni si kaba ya swana. Sesiñwi sa ezahala kuna. Hakuna mutu yana ni bulelezi shutano ni yekana. Bill Branham u shwile. Ne ni katani Mulimu, mi Sesiñwi sa taha ku na. Nali kuba ni be ya swana kuzwa ka muzuzu wani ha Ni Mu katana. Na ni cincize. A ni eza nto yeñwi ye shutana. Ne si kunga buitamo bwa Silimo Sesinca, kono Na katana Mulimu.

⁸⁶ Baana ni basali, ha mu katana Mulimu, mwa cinciwa. Lu na ni buitamo lwa luna mwa Silimo Sesinca busihu boo; lukute kamuso kakusasana, ni ku yo bu lyanganisa; zazi le li tatama, ku

bulyanganisa. Kono se lutokwa kueza, ha ki buitamo bwa Silimo Sesinca, kono lutokwa kutaha pata ni pata ni Mulimu, ni kuba ni Bupilo Bobusafeli, lu pepwe ka Moya wa Hae.

⁸⁷ Neli muuna muhulu, nako yeñwi, mi na palelwa cinca muhupulo wa. Diabulosi azwelapili ku mu zwisa kuyona. Zazi leliñwi, kwande mwa simu, akubama fafasi mi alapela. Ha na sweli kulapela, a icuncula fa nalumbwa. Na ize, “Ye haibe kupuzo. Satani, haiba u ka ni kutela hape, Ni ka ku supeza fa si nalumbwa se. Mi Ni ka ku bulelela ona fa kuli Ni katani Mulimu, mi ne ku felile.” Sani kona se lutokwa, mwendi isiñi nalumbwa mwa simu, kono kokuñwi, sibaka sesiñwi sa kwa mukunda. Isiñi mu. . .

⁸⁸ Oh, busihu boo, ku kaba mianda anda ya buitamo bo bu ezizwe, likitikiti za bona ze filwe. Mi mwaha o taha lu ka inga kaufela, yona sinca hape. Luka bulela kuli, “Luka tuhela kupuma. Luka tuhela kueza se. Mi luka beya kwatuko kacimacima ka luna. Luka ezeza Mulimu zeñata. Luka eza se, kamba *sani*, kamba *sesiñwi*,” kwanda kufumana fela, kuli ki mbango.

⁸⁹ Kono sa tokwa kueza mutu, busihi boo, ki kutaha pata ni pata ni Mulimu. Mi kuzwa fani kuya kwapili, uba sibupiwa se si cincizwe. Haleluya! Oh, Ni lakaza kuli kambe Ne ni ka bulela ka nzila ye Ni lumela. Kono cwale mutu ha kopana ni Mulimu, wa cinciwa, kuzwa ka nako yeo, mazazi a hae kaufela. Haana kuba ya swana, kakuli una ni Bupilo Bobusafeli. Ki sibupiwa sesinca. Lika za kale li felile, mi lika kaufela lifetuhile zenca ku yena. U bonahala bunca.

⁹⁰ Muuna ya kula wa kona ku taha fapila Mulimu, fani baalafi ha ba bulezi kuli, “Uka shwa.” Kono wa kona ku zamaya ni kutaha fa pila Mulimu, ni kukupa taba ya hae. Mi uka taha azwe, ali mutu ya shutana, mi ni kuzwa ka nako yani kuya kwapili.

⁹¹ Oh, Na hupula Congressman Upshaw, inge ainzi mwa sipula sa mawili ka myaha ye sikisite-sikisi. Busihu bwani, kwani kwa California, Moya o Kenile ha utaha fafasi, ni kukala kubulela, a kopana ni Mulimu. Mi kuzwa fani kuya kwapili, a zamaya kusina milamu ya hae.

⁹² Ni boni nako fo batu baba cilwe ki kansa balobezi, kusina sika kwanda muluti fela. Mi madokota ne ba ka fita ni kubulela kuli, “Ba icongile.” Balatiwa ba bona ba kopana, ku to bulela manzwi a mafelelezo o bakona, ku bona, susuezo. Kono ba katana Mulimu, mi, kuzwa ka nako yani kuya kwapili, ba cinciwa. Ba pila ka kushutana.

⁹³ Na bona musali ya maswe, kwani mwa mukwakwa. Na bona cakolwa, kwani mwa matuko a mukwakwa. Na bona muipi, mwani kwa keleke. Bona batu ba mifuta yani kaufela, Mwaha Omunca ufi kaufela, ba apulanga likepe lelinca, ni kulika kueza ze shutana, kulika kuba ni za kulukisa lukisa ni kueza zeñwi

cwalo. Kuli ba kopane ni Mulimu, nako iliñwi, mi kuzwa foo kuya kwapili.

⁹⁴ Jesu na katalize ku bona kuzwa fani kuya kwapili, bene bali mwa libaka za muluti wa lifu.

⁹⁵ Mi Ni bulela cwana, busihu boo, kuli haiba mutu ubata kuba ni cinceho ya niti kutaha ku yena, ha tahe pata ni pata ni Mulimu, ni ku Mu katanyeza nako yeñwi, kona kuli ukona kubulela kuli, “Kuzwa fani kuya kwapili, kuzwa ka nako yani kuya kwapili, Ne nili mutu ya cincizwe. Na ziba kufita mwateni.”

⁹⁶ Fa nako nyana, keleke ika kopana kwanu kwa katala. Uka neela bupilo bwa hao, sinca. Uka i toboha lika, ni kubeya lika fa aletare. Muzwale, tuhela ni kufe kelezo. Haiba wali kuba u kopane ni Mulimu, pata ni pata, halubone ni ku bulelele nto yeñwi. Uine fa katala foo. Ina fela ona foo kufitela u kopana ni Mulimu, konakuli wakona kusupa munwana wa hao kwa busihu bwa Mwaha Omunca wani. Isiñi, ni kubulela kuli, “Ni apuzi likepe le linca. Na fa buitamo bo bunca.” Kono, “Kuzwa ka nako yani kuya kwapili, Na katana Mulimu. Mi bupilo bwa cincywa, ni lika zeñwi za shutana. Mi lika kaufela liba zenca, ku na, hape, kuzwa ka nako yani kuya kwapili,” nako yo kopana ni Mulimu.

⁹⁷ Ha ki, ku kopana ni Mwaha Omunca. Lu ka talimana ni sona, mwa mizuzu yelikani, kasamulaho nyana, mwendi kasamulaho wa liholo zepeli ni licika, Na sepa, mwendi mwatasi zeo, luka kopana ni Mwaha Omunca, pata ni pata. Lu ka kopana ni ona ka buitamo. Lu ka kopana ni ona ni buitamo. Lu ka kopana ni ona ka maikuto amande. Lu ka kopana ni ona, ni kubulela kuli, “Lu ka lika kuapula likepe lelinca. Lu ka lika kueza ze shutana.” Zeo ki zende kaufela. Na itumela ka zeo.

⁹⁸ Kono muzwale, hauna kuba wa Kuyakuile kufitela u kopana ni Mulimu, pili. Ha u kopana ni Mulimu, pili, mi, kuzwa foo kuya kwapili, lika kaufela li ka shutana.

Halu lapeleñi ha lunze lu inamisa litofo za luna.

⁹⁹ Mulena Jesu, Mwana Mulimu, Na hupula nako hane Ni Ku katani, Mulena. Na hupula, mubotana ya nyandile, ya pila bupilo bwa buiswalo, kusina kumata mata, kunwa, kamba kulaula, kamba kuzuba, kamba zeñwi cwalo. Kono Na ziba, Mulena, mi lifu ha litaha ku kena mwa muzuzu wa sipatela, myaha yeñwi ye mashumi amabeli cwalo kwa mulaho, nekuna ni sene si tondahala mwa bupilo bwaka. Kwani Na katana Mulimu, mi kuzwa ka nako yani. Kuzwa ka nako yani, Mulena, Ni likile ku Ku sebeleza. Bupilo bwaka bu cincizwe mi lika kaufela libonahala kushutana. Ni tabile hahulu kuli Ni Ku katani, Mulena. Mi busihu bo, ka katalima Mwaha Omunca, Ni tabile ka kubulela kuli Na kona ku ukena ka Moya wa Mulimu yapila mwa pilu yaku.

¹⁰⁰ Lufe kutwisiso, Mulena. Lufe kwa bunde bwa Hao ni sishemo. Lu swalele libi za luna. Mi lu pile kuona mwa mwaha

otaha wo, O Mulena Mulimu, ka kutwisiso, ya kuli lu Ku katani mi bupilo bwa luna bu cincizwe. Lumeleza cwalo, Mulena. Lu swalele lifoso zaluna. Beya Moya o Kenile wa Hao u luna. Lu etelele ni ku luzamaisa.

¹⁰¹ Mulimu Ndate, ki ye fa 1960 ini libile. Mi kuna ni kolo ya mukopano omutuna wa lifasi, ko kubonahala kuli neba likitikiti ze mashumi ku alulwa ka likitikiti, ni likitikiti ni likitikiti za bahedeni baba sa zibi sika, za buhedeni, ni babañwi cwalo, ba kona kutaha ku Wena. O Mulena Mulimu, ka Moya wa Hao mwa pilu yaka, Ni talima kataka ka Hao, busihu bo, ni ku talimela Wena, ni kubulela kuli, “Ni tuse, O Mulimu. Pilu yaka ya tuka ka ciseho. Na Ku lata, Mulena. Ni ipa ilina ku Wena, mwa sebelezo. Ni etelele kwa sibaka kaufela Ko bata ku ni isa. Uni lume kaufela ko U bata ku ni luma, Mulena. Bulela fela, mi Ni ka ya.”

¹⁰² Fuyola kekeke yaka. Fuyola Muzwale Neville. Fuyola sicaba kaufela mo, baenyi babali mwa minyako yaluna. Ni balisana baba ka bulela, nako ni nako, mwahala manzibwana, Na lapela, Mulimu, kuli U fuyole bulumiwa bwa bona. Fuyola Muzwale Neville. Fuyola Muzwale Junie Jackson. Muzwale Beeler, bakutazi babañwi ba kaufela, ba fuyole, Ndate. Lufe mwaha o mutuna 1960.

¹⁰³ Luna, Mulena, baba ziba kuli lu kopani ni Wena, pata ni pata, ni kuziba seo litalusa ku pepwa sinca ka Moya wa Hao, lufe kwa sishemo sa Hao sa Kuyakuile, ku sebeleza Wena. Ka Libizo la Jesu lwa lapela. Amen.

¹⁰⁴ Mwa Mu lata? [Kopano ili, “Amen.”—Mu.] 1960, usike wa tuhela kuli kube cwalo, kuli, “Ni apuzi likepe lelinca.” Musike mwa tuhela kuli kube cwalo, kuli, “Ni lika kukalisa bupilo bo bunca.” Kono kube cwalo, kuli, “Ni katani Mulimu, mi kuzwa ka nako yani, nako yani kuya kwapili, Ni bile ni kozo yefitelela kutwisiso. Ni bile ni tabo ye sa konahali kubulelwa, ni kutala kanya. Ne ni bile ni ku kuliswa. Nahaiba lifu li ka taha ku na, Ni ka ba mwa mazoho a Mulimu, muzuzu kasamulaho kubuyela kwa ka mafelelezo ku fela. Hakuna taba ka ze taha kamba zeya!”

¹⁰⁵ Mutuhele zeo li tahe ka butuna, la Sunda busihu, haiba ba bata kueza cwalo. Ba bata kuli, ndalamiti haina kuba mwa masuba kufitela luba mwa Kanya ni Yena. Amen. Hakuna se si ka lu holofaza. Haleluya!

¹⁰⁶ Ni tabile hahulu Ni katani Mulimu. Ni tabile hahulu kuli Ni kona kubulela kuli, “Kuzwa ka nako yani.” Mu si beye fa neku leo! “Hane Ni katani Mulimu, sesiñwi sa ezahala kuna. Na cincywa, kuzwa ka muzuzu wani. Ni cincizwe, kuzwa ona fani.” Ni tabile hahulu kuba mwa musipili wo, busihu boo, kuba bupaki kwa Kanya ni Mata a Mulimu. Ki nto yeñwi ye se hulile nyana fa, mi Mulimu ataha kwani ku to ni fa sishemo sa Hae, ni ku ni pilisa, ni ku ni folisa, ni ku ni taza ka Moya wa Hae. Mi

a ni lumeleza kukutaza Evangeli ya Hae, yeli likute lelituna ku zeliteni kaufela mwa lifasi. Kuzwa ka nako yani, kufitela nako ye, Nali kuba ni i inyaze ka zona. Kono Ni bile ya itumela, ka mazazi a kaufela, mi ni kana ni ba cwalo, mwahala Kuyakuile kaufela, kuli Ni kopani ni Mulimu.

Mulimu ami fuyole. Ku lukile, Muzwale Neville.



MI KUZWA KA NAKO YANI LOZ59-1231

(And From That Time)

Liñusa le ka Muzwale William Marrion Branham, neli kutalizwe lwa pili mwa Sikuwa ka Busihu bwa kukena mwa Mwaha Omunca, Labune manzibwana, Nulule 31, 1959, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org